

三般若

般若，梵語 *prajñā*，意為智慧。

又作三種般若。

(一)指實相般若、觀照般若、文字般若。

大乘義章卷十依據大智度論，立三種般若義，即：

(一)文字雖非般若，但為詮解般若之方便，又能生起般若，故稱文字般若。即指諸部般若經。

(二)觀照，謂慧心鑑達之用，其體即為般若，故稱觀照般若。

(三)實相，為觀照所知之境界，其體雖非般若，而能生起般若，故稱實相般若。

三般若中，文字、實相二者為般若之法，並非即是般若，觀照則為般若之體。

據碧巖錄第九十六則載，實相般若即為真智，觀照般若即為真境，文字般若即為能詮之文字。

又此三般若加境界般若、眷屬般若，稱為五種般若。

此外，又有以文字般若稱為方便般若者。

〔金剛般若經疏、小品經義疏卷一、般若心經略疏、

三論玄義、止觀輔行傳弘決卷三之一〕

(二)指實相般若、觀照般若、方便般若。

據金光明經玄義卷上、金光明玄義拾遺記卷二所載，般若乃圓常之大覺，此一覺有三種德，即：

- (一)實相般若，為般若之理體。乃眾生所本具，非寂非照，離一切虛妄之相，為般若之實性。即一切種智。
 - (二)觀照般若，為觀照實相之實智。謂觀照之德，非照而照，了法無相，稱為觀照。即一切智。
 - (三)方便般若，為分別諸法之權智。謂方便之德，非寂而寂，善巧分別諸法，稱為方便。即道種智。
- 蓋此說謂方便、觀照、實相三者即是般若，乃性宗之義。

《佛光》p819

五種般若

般若，梵語 *prajña*，慧之義。

指照了法界、洞達真理之五種般若聖智。

依般若心經疏、般若心經幽贊卷上所載，五種般若即：

- (一)實相般若，指真如之理。此理為般若之實性，故稱實相般若。
- (二)觀照般若，指清淨無漏之慧。此慧能照見諸法無相，悉皆空寂，故稱觀照般若。
- (三)文字般若，指般若之章句。語言文字能詮般若之理，其性空寂，故稱文字般若。
- (四)眷屬般若，指六度萬行。六度萬行與妙慧相應，而能成就般若，為觀照慧性之眷屬，故稱眷屬般若。
- (五)境界般若，指一切諸法。諸法為般若真智之境界，境無自相，由智顯發，故稱境界般若。

據金剛經疏記科會卷一，五種般若係羅什三藏就大智度論所說文字、觀照、實相等三般若中，於觀照中開出眷屬，於實相中開出境界者。

〔金剛經纂要刊定記卷二、大明三藏法數卷二十、仁王護國般若波羅蜜多經疏卷一上、般若心經會疏連珠記卷上、仁王經疏法衡鈔卷一〕《佛光》(節) p151